

INUIT ATAQATIGIIT

Inatsisartuni



23.juli 2018

Inatsisartut suleriaasianni § 37, imm. 1 naapertorlugu matumuuna Naalakkersuisunut imaattumik apeqquteqaateqarpunga.

Naalakkersuisunut apeqqut:

- 1. Naalakkersuisut oqaatigisinnaanerpaa aasaq manna qaammat Maj-miit ullumikkumut illoqarfinni assigiinngitsuni pujornera pissutigalugu qanoq annertugisumik – qasseriarluni piffissaq eqqorlugu minngitsoortoqarlunilu aallanngitsoortoqarsimanersoq?**
- 2. Naalakkersuisut oqaatigisinnaanerpaa aasaq manna Maj-miit ullumikkumut ilaasut qanoq amerlatigisut pujornera pissutigalugu piffissaq eqqorlugu apuuffissaminut apuutinngitsoorsimanersut?**
- 3. Taamatut piffissaq eqqorlugu minngitsoornerit, aallanngitsoornerillu qanormita Mittarfeqarfinnut imaluunniit Air Greenlandimut qanormita aningaasatigut kinguneqarpat? Aningaasartuuteqarnerulernermik kinguneqarsimanerpat?**
- 4. Naalakkersuisuniit uppersarnerneqarsinnaanerluni inuit pujortillugu kinguaattoorsimaneq pissutaalluni nutaanik billetisisariaqartarsimanersut?**
- 5. Pujorneranik peqquteqartumik minngitsoortarnerit pinaveersaartinniarlugit Naalakkersuisummita qanoq pilersaaruteqarpat?**
- 6. Mittarfiit soorliit pujoraluarpalluunniit miffigineqarsinnaanissamut atortorissaaruteqarpat?**
- 7. Mittarfik ataaseq putseraluarpalluunniit miffigineqarsinnaanngorlugu atortorissaarutilersorneqassagalaruni (instrument landingssystem) qanormita aningaasatigut naleqassagalarpa?**

(Inatsisartuni ilaasortaq Peter Olsen, Inuit Ataqatigiit)

Tunnngavilersuut:

Nunatsinni aasalernerata ilisarnaatigilluartagaasa ilagilluinnarpaat illoqarfinni putserajussisarnera – pujorajussisarnera.

Tamatuma ilaatigut kinguneraa angalasut piffissaq eqqorlugu aallanngitsoortut tusarsaagaluttuinnarneri. Tamanna inuiaqatigiinnut assigiinngitsumik kinguneqarpoq; unnuisarfinnik atuneq annertusivoq, illuatungaatiigulli ilaqutariit ilarpassinut kingullerluuteqartalersimalluni.

Naatsumik oqaatigissagaanni ilaqutariit ilarpassuinit pujornera pissutaalluni piffissaq eqqorlugu aallanngitsoortariaqarsimanertik pissutigalugu, nutaanik billetsisariaqalernermikkut aningaasarpassuarnik annaasaqartalersimasut tusarsaagaluttuinnarput.

Putsumik peqquteqartumik piffissaq eqqorlugu aallanngitsoorneq timmisartuutileqatigiinnut, angalasussanullu minnerusumik annerusumilluunniit kingunerluuteqartarpoq.

Tamanna pillugu pujornera pissutigalugu aallanngitsoortarnerit sapinngisamik minnerpaaffianiitinniarlugit Naalakkersuisut qanoq pilersaaruteqarnersut paaserusullugu matumuuna apeqquteqaatiga nassiuppara.

Qinnutigissavara apeqquteqaatima ullut suliffiusut qulit iluanni akineqarumaartut.